

Kelonggaran syarat doktor kontrak tidak munasabah



Jefrizal (duduk, kiri) bersama sebahagian ahli Pemuda yang mengadakan baraan raya ke rumah salah seorang pemimpin.

BANTING - Keputusan Kementerian Kesihatan Malaysia (KKM) memberi kelonggaran 'lulus BM' tanpa perlu kredit bagi syarat pengambilan kontrak latihan pegawai perubahan siswazah bagi tempoh dua tahun dianggap tidak munasabah.

Ketua Pemuda Umno Bahagian Kuala Langat, Jefrizal Mohd Jaafar berkata, keputusan itu dianggap pencabulan kepada kedaulatan bahasa Melayu yang terpelihara secara kukuh dalam perlembagaan.

"Saya bimbang keputusan ini akan menyebabkan satu 'blood-gate' kepada lain-lain sektor bagi melakukan perkara yang sama. Jika ini berlaku, saya secara peribadi berpendapat ia adalah serangan secara terbuka kepada institusi bahasa dan keistimewaan Melayu yang tak boleh di kompromi walau atas alasan apa juga sekali pun.

"Sebenarnya, bahasa Melayu adalah keistimewaan dan ia termaktub dalam Perkara 152 Perlembagaan Persekutuan serta Akta 32 Bahasa Kebangsaan 1963/67. Inilah ciri-ciri atau sifat 'bangsa Malaysia' yang perlu ada pada setiap warganegara," katanya.

Beliau berkata demikian kepada *Sinar Harian* selepas mengadakan Baraan Raya Pemuda ke rumah pemimpin Umno, Datuk Nordin Selamat di rumahnya di Kampung Medan, di sini.

Jefrizal berkata, kedaulatan bahasa Melayu mes-

ti dipertahankan sama seperti kedudukan Raja-Raja Melayu, agama Islam dan keistimewaan bangsa Melayu.

"Meletakkan syarat kredit pada bahasa Melayu bagi pengambilan kerja bidang perubatan selama ini adalah penghormatan kepada bahasa Melayu sejajar dengan Perkara 152 dan Akta 32 disebut terdahulu di atas dan ini bukan sahaja berlaku di KKM tetapi seluruh kementerian lain.

"Sebagai contoh, dalam mahkamah juga telah disyaratkan penggunaan bahasa Melayu sebagai bahasa mahkamah namun bolehlah meminta izin menggunakan bahasa lain dengan penterjemah disediakan. Tetapi tidak sedikit pun syarat bahasa Melayu sebagai bahasa utama disentuh dalam sistem kehakiman Malaysia," katanya.

Menurutnya, perkara berkenaan perlu dapat dilihat secara khusus oleh jemaah menteri dalam kabinet negara.

Dalam pada itu, Jefrizal berkata, pada tahun ini, beliau turut mengaktifkan Baraan Raya Pemuda Umno Bahagian Kuala Langat ke beberapa buah rumah pemimpin setempat sebagai usaha mengeratkan hubungan antara masyarakat selain mengaktifkan konsep baran dalam kalangan generasi muda.

PPK Kuala Langat fokus dua projek

BANTING - Pertubuhan Peladang Kawasan (PPK) Kuala Langat kini komited membuat perancangan teliti dengan memfokuskan dua projek untuk manfaat ahlinya.

Pengurus Besar PPK Kuala Langat, Mohd Shakran Shamsudin berkata, dua projek terbahit ialah fertigasi membabitkan cili, melon dan timun serta temakan lembu sejak 2010 lagi.

"Fokus ini dibuat untuk memastikan PPK Kuala Langat menjadi juara bagi kedua-dua projek ini dan ia juga memudahkan pengurusan sebab skop kerjanya telah difokuskan.

"Melalui fokus projek pihak PPK mula bekerjasama dengan ahli sekitar yang mempunyai bidang yang sama dengan fokus tadi dan akhirnya lahirlah pasukan pengurusan baru yang terdiri daripada AJP, ahli yang mahir dan pengurus projek yang terlatih di bidang fokus ini," katanya.

Dalam keadaan sistem tersebut, PPK Kuala Langat mula mempromosikan kepada Lembaga Pertubuhan Peladang dan agensi mengenai kewujudan dan projek berserta sistem pengurusan dan antara kesan termasuk LPP telah membiayai modal pinjaman projek temakan lembu sebanyak RM1 juta dari 2010 hingga 2017 dan bagi pemasaran untuk lembu korban hampir 1500 ekor.

"Manakala Agrobank membiayai projek peserta cili RM5 juta peserta tersebut isi borang dan mendapat sokongan PPK dan diluluskan dalam masa tiga hari yang kini seramai 400 orang peserta.

"Dari sinilah manfaat yang diperoleh ahli peladang yang mana PPK menjadi pemudah cara bagi ahli yang terlibat dalam agro makanan," katanya.

Lebih membanggakan, bila perkara ini tercapai, pimpinan PPK yang membuat perancangan untuk petani akhirnya dipulangkan kepada ahli dari segi dividen dan ruang penglibatan kepada agro makanan di bawah PPK itu sendiri.

"Kita harapkan PPK Kuala Langat terus mempromosikan dua produk ini dan akhirnya rantaian pembekalan sehingga ke pemasaran adalah 100 peratus di bawah PPK," katanya kepada *Sinar Harian*, di sini, baru-baru ini.



SHAKRAN

E-Kad memang takkan berjaya

Sikap lewa kerajaan menyebabkan majikan tidak percaya mana-mana program

KUALA LANGAT - Sistem E-Kad sememangnya tidak akan berjaya memandangkan polisi kerja di negara ini tidak menguatkuasakan gaji minima dan pendapatan melebihi kos sara hidup yang akhirnya menyebabkan majikan mengambil pendatang asing tanpa izin (Pati) atas dasar kos pengajian yang rendah.

Ahli Parlimen Kuala Langat, Datuk Abdullah Sani Abdul Hamid berkata, sikap sambil lewa kerajaan persekutuan menyekat dan mengawal kemaskinan Pati menyebabkan majikan tidak mempercayai mana-mana

program kerajaan yang dikatakan mampu memutihkan status Pati kepada pekerja bertaraf sah.

"Ketua Pengarah Jabatan Imigresen Malaysia, Datuk Seri Mustafar Ali dalam kenyataannya berkata 25 peratus daripada sasaran 600,000 Pati yang membuat permohonan E-Kad.

"Beliau kata majikan tidak mengambil peluang atau masih berdegil untuk mendafarkan Pati secara sah selain beranggapan pendafaran pada saat-saat akhir iaitu pada 30 Jun lepas berkemungkinan akan dilanjutkan lagi tempohnya," katanya



ABDULLAH SANI

mengulas penamatan sistem E-Kad.

Menurutnya, Jabatan Imigresen yang giat menjalankan operasi mengusir

Pati serta mengambil tindakan undang-undang kepada majikan yang gagal mengikut peraturan perlu membuat tangkapan secara konsisten tanpa ada sebarang gejala rasuah mahupun pilih kasih.

"Sudah tiba masanya untuk kerajaan dan majikan tempatan bekerjasama membasmi Pati di negara ini selain menguatkuasakan polisi pekerjaan yang membantu rakyat tempatan untuk bekerja di sektor yang kini dikuasai pekerja asing.

"Bagi saya, kenaikan gaji minima adalah penting untuk menarik minat rakyat untuk

bekerja dan pada masa yang sama mampu membiayai kos sara hidup," katanya.

Pengurus Biro Pekerja, Parti Keadilan Rakyat itu turut berpendapat kerajaan tidak seharusnya menjadikan kutipan levi dan permit sebagai pendapatan yang lumayan kerana faktor inilah yang menjadikan kerajaan cukup selesa membawa masuk pekerja asing secara beramai-ramai tanpa memikirkan nasib rakyat yang mendambakan pekerjaan.

"Pengangguran sekarang mencatatkan lebih setengah juta orang, kita patut mengharapkan majikan lebih

mengutamakan pekerjaan kepada rakyat tempatan, serta penawaran gaji yang lebih baik.

"Penggunaan teknologi juga perlu diitikberatkan dalam mengurangkan bergantung pekerjaan asing terutama dalam sektor pembinaan dan pembersihan.

"Pelbagai program dilaksanakan untuk pekerja asing melibatkan peruntukan sejumlah wang rakyat yang banyak tetapi akhirnya masalah ini berlarutan sehinggalah tarikh tamat tempoh sebahagian program tersebut terpaksa dilanjutkan," katanya.